

Hfz. Nedžad Vehabović
Behram-begova medresa u Tuzli

HAFIZI BEHRAM-BEGOVE MEDRESE U TUZLI

Uvod

Behram-begova medresa u Tuzli, kao najstarija odgojno-obrazovna institucija u sjeveroistočnoj Bosni, i njeni muderrisi, inspirisani kur'anskim ajetima i hadisima Muhammeda, a.s., koji govore o vrijednosti učenja Kur'ana napamet, na svoje učenike prenose želju i podstiču ih na putu sticanja zvanja hafiz časnog Kur'ana. U periodu obnovljenog rada Behram-begove medrese, od 1993. godine do danas, ova odgojno-obrazovna ustanova je promovisala sedamdeset i osam hafiza.

U prošlim brojevima *Kapije*, godišnjaka Behram-begove medrese u Tuzli, predstavili smo hafize Medrese u periodu od 1993. do 2019. godine. U tom periodu hifz je završio sedamdeset i jedan učenik, svršnik Behram-begove medrese. U ovom radu predstavljamo hafize Behram-begove medrese koji su najčasniju titulu stekli u 2020. godini.

Hafizi i hafize

72. Hfz. Sinanović Almina, kći Muje i Almiri, rođena je 12. novembra 2001. godine u Zenici. Živi u mjestu Sinanovići, općina Zavidovići. Završila je Osnovnu školu "Gostović" u Zavidovićima

2016. godine. Iste godine upisala je Behram-begovu medresu u Tuzli, koju je završila u aprilu 2020. godine sa odličnim uspjehom i primjernim vladanjem. U toku školovanja je ostvarila zapažene rezultate na mektepskim takmičenjima iz kiraeta, a 2016. godine je osvojila I mjesto na mektepskom takmičenju na nivou Muftiluka zeničkog u kategoriji Kiraet - stariji uzrast. Hifz je polagala pred Komisijom za hifz Rijaseta Islamske zajednice u BiH u periodu od 27. 5. 2020. godine do 10. 6. 2020. godine. Muhaffiz joj je bio hfz. Nedžad Vehabović. Trenutno je studentica prve godine Ekonomskog fakulteta Univerziteta u Sarajevu.

73. Hfz. Baturić Halima, kći Hajrudina i Aide, rođena je 28. 9. 2001. godine u Tuzli. Živi u Jelovče Selu, općina Gradačac. Završila je Osnovnu školu "Musa Ćazim Ćatić" u Zelinji Donjoj 2017. godine kao učenica generacije. U vrijeme pohađanja osnovne škole ostvarila je zapažene rezultate na takmičenjima iz kiraeta. Trenutno je četvrti razred Behram-begove medrese u Tuzli. Odlična je učenica, primjernog vladanja. Hifz je polagala pred Komisijom za hifz Rijaseta Islamske zajednice u BiH u periodu od 15. 6. 2020. godine do 29. 6. 2020. godine. Muhaffiz joj je bio hfz. Edin Dedić.

74. Hfz. Ahmetović Muhammed, sin Hajrudina i Enise, rođen je 10. 8. 2002. godine u Medini, KSA. Osnovnu školu je završio 2017. godine u Brijesnici Maloj, općina Dobož-Istok, kao učenik generacije. Trenutno pohađa četvrti razred Behram-begove medrese u Tuzli. Kao učenik Medrese učestvovao je na nekoliko takmičenja iz fizike. U drugom razredu Medrese osvojio je IV mjesto na Kantonalnom takmičenju iz fizike i ostvario plasman na Federalno takmičenje. Hifz je polagao pred Komisijom za hifz Rijaseta Islamske zajednice u BiH u periodu od 7. 9. 2020. godine do 21. 9. 2020. godine. Muhaffiz mu je bio hfz. Abdullah Kapo. Hafiska dova mu je proučena 9. 12. 2020. godine u džamiji Behram-begove medrese u Tuzli.

75. Hfz. Ćirak Muhamed, sin Džafera i Halide, rođen je 3. novembra 2003. godine u Tuzli. Završio je Osnovnu školu "Jala" u Tuzli 2017. godine sa superodličnim uspjehom i primjernim vladanjem. Muhamed je učenik trećeg razreda Behram-begove medrese u Tuzli. Učestvovao je na nekoliko domaćih i internacionalnih takmičenja u učenju Kur'ana, na kojima je ostvario zapažene rezultate. Osvojio je I mjesto na Državnom takmičenju u učenju Kur'ana u kategoriji Hifz - pet džuzeva i I mjesto na Regionalnom takmičenju u učenju Kur'ana u istoj kategoriji. Hifz je polagao pred Komisijom za hifz

Rijaseta Islamske zajednice u BiH u periodu od 21. 9. 2020. godine do 5. 10. 2020. godine. Muhaffiz mu je bio hfz. Ahmed Huskanović. Hafiska dova mu je proučena 9. 12. 2020. godine u džamiji Behram-begove medrese u Tuzli.

76. Hfz. Razić Maid, sin Muhameda i Amire, rođen je 25. 4. 2004. godine u Tuzli. Živi u Dobrnji, općina Tuzla. Završio je Osnovnu školu "Mramor" u Mramoru 2019. godine kao učenik generacije. Iste godine upisao je Behram-begovu medresu u Tuzli i trenutno je učenik drugog razreda. Učestvovao je na mnogim školskim takmičenjima iz raznih oblasti, na kojima je ostvario zapažene rezultate, a najznačajniji su: I mjesto iz historije i vjeronauke na općinskom nivou i III mjesto iz historije na kantonalnom nivou. Mektepsku nastavu je pohađao kod Ibrahima ef. Softića, koji mu je bio mentor na mnogim mektepskim takmičenjima na nivou Medžlisa i Muftijstva, kao i na brojnim takmičenjima iz hifza. Hifz je počeo učiti krajem sedmog razreda osnovne škole, a učenje hifza je kompletirao u prvom razredu Medrese. Hifz je polagao pred Komisijom za hifz Rijaseta Islamske zajednice u BiH u periodu od 23. 9. 2020. godine do 7. 10. 2020. godine. Muhaffiz mu je bio hfz. Nedžad Vehabović. Hafiska dova mu je proučena 30. 12. 2020. godine u džamiji u Dobrnji.

77. Hfz. Omerović Harun, sin Nijaza i Nevrese, rođen je 24. 11. 2003. godine u Sarajevu. Živi u Tuzli. Završio je Osnovnu školu "Solina" u Tuzli 2019. godine. Iste godine je upisao Behram-begovu medresu u Tuzli, gdje je trenutno učenik drugog razreda. Učestvovao je na velikom broju takmičenja, na kojima je ostvario zapažene rezultate, a najznačajniji su: II mjesto na Regionalnom takmičenju u učenju Kur'ana u kategoriji Hifz - pet džuzeva i I mjesto na mektepskom takmičenju na nivou Rijaseta u kategoriji Kiraet - stariji uzrast. Hifz je polagao pred Komisijom za hifz Rijaseta Islamske zajednice u BiH u periodu od 14. 10. 2020. godine do 28. 10. 2020. godine. Muhaffiz mu je bio hfz. Abdullah Kapo.

78. Hfz. Mujanović Hammad, sin Jasmina i Alme, rođen je 31. maja 2002. godine u Sarajevu. Osnovnu školu, kao i prva dva razreda srednje škole završio je u Rijadu, KSA. Trenutno je učenik četvrtog razreda Behram-begove medrese u Tuzli. Hifz je počeo učiti u krugu svoje porodice još dok je bio učenik osnovne škole. Dolaskom u Behram-begovu medresu nastavio je i kompletirao učenje hifza. Hifz je polagao pred Komisijom za hifz Rijaseta Islamske zajednice

u BiH u periodu od 19. 10. 2020. godine do 2. 11. 2020. godine. Muhaffiz mu je bio hfz. Nedžad Vehabović.

Zaključak

Behram-begova medresa je u svom obnovljenom radu, od 1993. do danas promovisala ukupno sedamdeset i osam hafiza. Od tog broja, dva hafiza su profesori u Medresi, pedeset i četiri su hafiza i dvadeset i dvije hafize. Tokom 2020. godine, ukupno sedam učenika Behram-begove medrese je steklo časnu titulu hafiza Kur'ana.

Aktivan rad voditelja sekcije hifza u Behram-begovoj medresi, veliki broj učenika koji uče hifz i koji su na putu da steknu časnu titulu hafiza Kur'ana garant su da će se, uz Allahovu pomoć, broj hafiza Tuzlanske medrese iz godine u godinu stalno povećavati.

Učite Kur'an, jer Uzvišeni Allah neće kazniti srce u kojem je Kur'an. Kur'an je Allahova gozba, siguran je onaj ko joj prisustvuje, i neka se raduje nagradi onaj ko voli Kur'an. (Hadis)